

UEU Ikastaroen bukaera

## «Haize berriak» iragarri ditu zuzendaritzak

*Miarritzeko eta Iruñeko ikastaroen balorazio ona egin du Mikel Aizpuruk*

Miren Iriarte / Iruñea

Udako Euskal Unibertsitateko 1999. urteko ikastaroak amaitu ziren atzo Iruñean, eta Mikel Aizpuru zuzendaria balorazio positiboa egin zuen. Jende kopuruan nahiz ikastaroen kalitatean hazkundera izan dutela adierazi zuen Aizpuruk. Hala ere, UEUn «haize berriak» sartzeko premia dagoela gehitu zuen.

UDAKO EUSKAL UNIBERTSITATEKO 27. ikastaroak bukatuta, Mikel Aizpuru zuzendaria, Mari Karmen Menika idazkari nagusia eta Ane Sarasua gestio arduraduna agertu ziren atzo balorazioa egiteko.

Aizpuru zuzendaria ikastaroen balorazio bikoitza egin zuen. Aurtengo ikastaroak, esan zuenez, kuantitatiboki «oso positiboak» izan dira; Miarritzen ikasleen kopuruak nabarmen egin du gora, eta Iruñean kopurua mantendu egin da: «hazkunderako joerari eutsi zaio».

### Belaunaldi berriak integratu beharra

Kualitatiboki, berriz, UEUk bide berriak joratu beharra daukala esan zuen Aizpuruk. Azken urteotan euskal irakaskuntzan aldaketa anitz izaten ari direla eta, «UEUn haize berriak sartzeko premia» ikusten dutela adierazi zuen.

UEUk beste unibertsitateek euskaraz eskaintzen dituzten gauza berak ezin dituela eman esan dute ikas-

leek ere euren balorazioetan. Horregatik, bide berriak zabaltzen ahalegingo direla esan zuen Aizpuruk.

«UEUn belaunaldi berriak integratzea beharrezkoa da», Aizpururen arabera; eta ikasleak ikastaroen antolakuntzan eta gauzatzean erabakigarriak izan daitezzen ere bultzatu behar daudela esan zuen. Ikasleek ikastaroen gaiak erabaki ditzaten, irakasle izan daitezzen, gai berriak landu, teknika ezberdinak bilatu eta kualitatiboki hobetzeko aldaketa eta bide berri baten behar daudela esan zuen Mikel Aizpuru zuzendaria.

Hala ere balorazio orokorra «ona» izan dela esan zuen, eta aurtengo izenburua (*Etorkizuna eta itxaropena*) osotasunean bete dela baieztatu.

### Gero eta ikasle nafar gehiago

Datu estatistikoei dagokienez, aurtengo Miarritzen ikasle kopuruaren igoera txikia izan dela azpimarratu zuten. Bizkaikoak eta Gipuzkoakoak dira gehienak, baina nafa-



JOXE LACALLE

Mari Karmen Menika UEUko idazkari nagusia, Mikel Aizpuru zuzendaria eta Ane Sarasua gestio arduraduna, atzo Iruñean egindako agerraldian.

rrak gero eta gehiago direla azpimarratu zuten. Gehienak gazteak eta unibertsitateko ikasleak dira, baina, Mari Karmen Menikaren arabera, «UEU ikasle, irakasle eta adi-

tuen elkargunea da». Gainera, ikastaroek jende berria erakartzeko gaitasuna dutela esan zuen.

Azkenik, behin-behineko balorazio ekonomikoa egin

zuten. Ane Sarasuak dirulaguntzen beharra azpimarratu zuen, eta, diru sarrerek gasteak berdindu ez dituzten arren, irakurketa baikorra egin zuten.

## UEUko ikasle nafarrek euskarazko eskaintza zabaltzeko eskatu diote NUPi

■ EUSKARAZKO irakaskuntza zabaltzeko eskaria egin diote UEUko ikasle nafarrek Nafarroako Unibertsitate Publikoaren errektoreari. Gainera, orain arteko politika okerra salatu dute, «Unibertsitatea Euskararen Normalizazio Plangintzarik gabe dagoelako».

UEUko ikasle

nafarren arabera, «bada garaia hezkuntzako beheko mailetan euskarazko irakaskuntzak izan duen hedapena unibertsitatean ere heltzeko»; eta Unibertsitate Publikoa bere burua irakaskuntzako errealitatean dagoela esan dute.

Idazki baten bidez

Unibertsitateko ikasketak euskaraz egin ahal izatea «exijitu» eta Errektorearen inguruko taldeak euskara eta euskaldunekiko eraman izan duen politika salatu dute.

UEUko ikasle nafarren arabera, hizkuntzaren normalizatorako inolako plangintzarik gabe, errektorearen

inguruko taldeak urtero-urtero euskaraz ikasteko eskubidea «zapaldu» egin du.

Euren aldarrikapena egiteko, errektoreari zuzenduriko idazki bat aurkeztu dute ikasleek Nafarroako Unibertsitate Publikoaren Erregistroan, laurogeita lau ikasleren sinadurakin.